



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.13. Papa ægrotat.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII. labori pepercit, sed incassum omnia.  
A. C. 754. Namque Pipinus consentiente Papa cum  
 in quoddam Monasterium Civitatis Vien-  
 nensis misit, ubi secundum institutum,  
 quod amplexus fuerat, viveret. Ibidem  
 Carolomannus anno sequente septingen-  
 tesimo quinquagesimo quinto vitam clau-  
 dit, cujus corpus Pipinus ad montem Cas-  
 sinum, feretro aureo inclusum, additis  
 donis pretiosis, remisit.

*Le Chron.  
 Cass. lib. I.  
 c. 7.*

## §. XIII.

*Papa ægrotat.*

*Anast.* Papa ad Monasterium S. Dionysii rever-  
 sus itinere fatigatus & inæqualitate  
 aeris vexatus in morbum incidit, cumque  
 ad extrema deduceretur tam socii Itali,  
 quam Franci actum esse de Pontificis vi-  
 ta arbitrabantur. Ipse vero in Deo con-  
 fidebat. Et ecce quodam mane venien-  
 tes & timentes ne jam animam efflasset,  
 invenerunt incolumem. Referunt, su-  
 peresse ipsius Epistolam, in qua narrat:  
*to. 6. Conc. p. 1649.* *Fui in oratione in Ecclesia S. Dionysii  
 subter campanis, & vidi ante Altare S.  
 Petrum, S. Paulum, & S. Dionysium, ad  
 quem S. Petrus dixit: Tua gratia est e-  
 jus sanitas. Et S. Dionysius thuribulum  
 incensi & palmam in manu tenens cum  
 Presbytero & Diacono venit ad me, &  
 dixit mihi: Pax tecum, Frater! noli  
 timere, ad Sedem tuam prospere reverti-  
 ris.*



ris. Surge, & hoc Altare in honorem Sæcul. VIII.  
 Dei & Apostolorum suorum, quos vides, A. C. 754.  
 dedica, Missam gratiarum agens. Mox-  
 que sanus Dei gratia factus volebam im-  
 plere, quod mihi præceptum erat, & di-  
 cebant, qui ibi aderant, quod delirarem.  
 Quapropter retuli illis tum Regi & Pro-  
 ceribus, quæ videram. Gesta sunt hæc  
 anno 754. vigesima septima Julii, & al-  
 tera die vigesima octava, quæ erat Do-  
 minica, illud Altare, sicut ipsi præceptum  
 fuerat, consecravit.

## §. XIV.

*Pipinus secundo ungitur.*

Stephanus Papa inter illius Missæ sole-  
 mnia aliam Cæremoniam memoratu  
 magis dignam implevit, dum secundo Frag. ap.  
Greg. Turo.  
p. 991.  
 Pipinum & duos ejus filios Carolum &  
 Carolomannum cum Bertrada Regina  
 unctione olei in Reges Franciæ conse-  
 cravit, atque Francorum Proceribus Au-  
 ctoritate S. Petri sub Excommunicatio-  
 nis pœna prohibuit, ne unquam vel ipsi  
 vel eorum filii ex alia propagine sibi Re-  
 ges constituerent. Childerici, Regum Coint. an.  
754. n. 38.  
 ex prima stirpe ultimi, obitus, nam hoc  
 anno in Monasterio S. Bertini decessit,  
 novæ Pipini unctioni ansam dedit.  
 Tunc etiam Papa Regem & ambos ejus ibid. n. 57.  
 filios Romanorum Patricios appellavit,  
 quo ad defensionem Urbis Romanæ fuscipi-

pien.